

官板

六韜

一
二
三
四

平津館叢書本

上

				漢書門類
		四〇	一	
	九	四		
二	八	三		
冊	架	函	號	

內閣文庫			
二九	四〇	漢	
函	〇	書	
一七	二		
五	架	冊	號

內閣文庫	
番號	漢 4043
冊數	2 (1)
函號	299 195

299-195



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM Kodak





六韜序

淺草文庫

六韜六篇列在藝文志儒家稱周史六弢六篇注云
 惠襄之間或曰顯王時或曰孔子問焉班固以為或
 惠襄王時或顯王時史臣所述武王太公之言又疑
 周史述此以荅孔子問是為適周問禮所得書也顏
 師古注云即今之六韜也蓋言取天下及軍旅之事
 弢字與韜同也考之莊子徐無鬼篇女商稱金版六
 弢陸氏德明音義引司馬崔云金版六弢皆周書篇
 名或曰祕讖也本又作六韜謂太公六韜文武虎豹

六韜序
龍犬也。六弢出於周顯王之前。宜魏武侯時。女商見之。淮南精神訓篇。金滕豹韜。周公太公陰謀圖王之書也。袁宏後漢紀。或說何進曰。太公六韜有天子將兵事。以示四方。三國志注。引先主遺詔。稱間暇歷觀諸子。及六韜商君書。益人志意。又云。聞丞相爲寫申韓管子六韜一通已畢。是漢魏時見此書。其卽藝文志六弢明矣。隋經籍志。兵家太公六韜五卷。梁六卷。周文王師姜望撰。志所稱梁者。阮孝緒七錄。六韜自文師第一。至三疑十七。多言仁義道德愛民之道。君

臣之禮。敬衆合親。舉賢信賞。罰之事。又言兵爲凶器。不得已而用之。凡古人所引。敬勝怠則吉。怠勝敬則滅。日中必彗。操刀必割。涓涓不塞。將爲江河。熒熒不救。炎炎若何之語。皆在焉。論將選將二篇。義與文王觀人相出入。五音兵徵篇。通陰陽五行。其餘諸篇。詞亦古質。且多見唐已前書傳徵引。真古書也。鄭樵藝文略。載太公六韜五卷。又載改正六韜四卷。今意林通典。文選注。太平御覽。諸書所引六韜。不在本書者甚多。如武王伐紂。爲父報仇。及太公射丁侯之屬。宋

之迂儒疑其文義不純加之刪削或即元豐刊七書時所爲故唐人及宋初人尚引全書也六韜先以仁義道德取天下故班史列之儒家至當猶司馬法之入禮家軍爲五禮之一儒者應知其專言權謀形勢陰陽技巧之事別列爲兵家言史臣有深意且亦有所本也隋志改六韜入兵家謬矣阮孝緒不察藝文志周史爲顯王時人妄題姜望撰以滋後人疑惑尤謬之甚者孔穎達以爲後人所託非實事指謂周史傳述太公之言非文王時書事之書耳經生言終不

背於義宋人無識不深究古書竝不解班固自注之義晁公武則言藝文志無此書誤以爲權謀之言劉恕通鑑外紀直斥其言鄙俚煩雜疑藝文志無此書陳振孫亦言其詞鄙俚世俗依託玉海引唐氏謂春秋以前中國未有騎戰六韜言騎戰當出於孫吳之後謀臣所託案今六韜文應古韻如文子淮南陸賈諸書非後人所能僞託若以其詞義明白疑非古書今虞夏書明白於周書盤庚大誥左傳比之史記漢書易讀不得謂古人之文必應如韓愈所云詰屈聱

牙也。兵書自漢以來，名將論次手寫，列代傳述有本。如醫律之在官守，不能作偽。禮記云：前有車騎，文子云：善騎者墮，說文：騎，跨馬也。制字始於上古，必以為中國無之，亦無明證。聖人見轉蓬而為車，見蛛蝨而結網，既已服牛乘馬，豈不能效為騎戰？劉炫說左傳：師展將以公乘馬而歸，謂為單騎，亦或然也。宋人為語錄，真如劉恕所云：鄙俚煩雜者，前人不加非議，反訾古書，使後世束而不觀。儒者委為兵家言，介冑之士不知好謀慎戰，輕喪其師。宋代之荒經蔑古，貽禍

甚烈，不獨和議誤國矣。六韜之分文武龍虎豹犬者，當為祕識，軍行時藏之弓衣，外畫龍虎之文，以為識，不關題分卷次，故今本與釋文所引異耳。其為六卷五卷四卷，後代分合未得其詳。歲在庚申，主講葢山以笈中所錄本及明刻各本校勘文字，明刻本互有脫誤，因與家侍御志祖互相讐校，項佐州壩爰付之梓。其開元占經意林通典太平御覽等書引六韜，或稱太公陰符，或為今本所無，侍御子同元又輯佚文一卷，刊附於後。庶古書得永其傳云。嘉慶五年斗指

己午二辰之月孫星衍撰

[Faint bleed-through text from the reverse side of the page]

六韜卷一

文師

文王初遇呂

尚立以為師

文王將田史編布卜曰田於渭陽將大得焉非龍非

鄴非虎非羆兆得公侯天遺汝師以之佐昌施及三

王文王曰兆致是乎問前入卜兆史編曰編之太祖

史疇為禹占得臯陶兆比於此文王乃齊三日乘田

車駕田馬田於渭陽卒見太公坐茅以漁文王勞而

問之曰子樂漁耶太公曰君子樂得其志小人樂得

其事今吾漁甚有似也。文王曰：何謂其有似也？太公曰：鈞有三權。鈞有三等權術始焉以餌取魚既焉香餌必有死魚終焉因魚之大小而異用祿等以權。今以祿取人等以死等以權重祿之下必死魚之權官等以權。官人必因其才之大小而異死魚之權任等於因魚之大小而異用。

夫鈞以求得也。其情深可以觀大矣。文王曰：願聞其情。太公曰：源深而水流，水流而魚生之情也。根深而木長，木長而實生之情也。君子情同而親合，親合而事生之情也。言語應對者，情之飾也。言至情者，事之極也。今臣言至情不諱，君其惡之乎？文王曰：惟仁

人能受直諫，不惡至情，何為其然？太公曰：緡微餌，明小魚食之；緡綢餌，香中魚食之；緡隆餌，豐大魚食之。夫魚食其餌，乃牽其緡；人食其祿，乃服於君。故以餌取魚，魚可殺；以祿取人，人可竭。以家取國，國可拔；以國取天下，天下可畢。嗚呼！曼曼緜緜，其聚必散。嘿嘿昧昧，其光必遠。微哉！聖人之德，誘乎獨見樂哉。聖人德而誘人歸者也固其所獨見而獨樂者也聖人之慮，各歸其次而立斂焉。惟聖人有獨見故慮人各有所歸之次而立為收斂人心之法焉文王曰：立斂何若？而天下歸之。太公曰：天下非一人之天下，乃天下

六韜卷一
之天下也。同天下之利者，則得天下。擅天下之利者，則失天下。天有時，地有財，能與人共之者，仁也。仁之所在，天下歸之。免人之死，解人之難，救人之患，濟人之急者，德也。德之所在，天下歸之。與人同憂同樂，同好同惡者，義也。義之所在，天下赴之。凡人惡死而樂生，好德而歸利，能生利者，道也。道之所在，天下歸之。文王再拜曰：允哉！敢不受天之詔命乎？乃載與俱歸，立爲師。之。滿。歸。中。與。食。之。滿。利。歸。豐。大。與。食。之。人。始。盈。虛。二。氣化盈虛皆人事所致

文王問太公曰：天下熙熙，一盈一虛，一治一亂。指氣運言所以然者何也？其君賢不肖，不等乎？其天時變化自然乎？太公曰：君不肖，則國危而民亂；君賢聖，則國安而民治。禍福在君，不在天時。文王曰：古之賢聖可得聞乎？太公曰：昔者帝堯之王天下也，上世所謂賢君也。文王曰：其治何如？太公曰：帝堯王天下之時，金銀珠玉不飾，錦繡文綺不衣，奇怪珍異不視，玩好之器不寶，淫泆之樂不聽，宮垣屋室不聖，豐楹椽楹不斲，茅茨徧庭，不翦，鹿裘禦寒，布衣掩形，糲梁之飯，藜藿

之羹不以役作之故害民耕織之時削心約志從事于無爲吏忠正奉法者尊其位廉潔愛人者厚其祿民有孝慈者愛敬之盡力農桑者慰勉之旌別淑慝表其門閭平心正節以法度禁邪僞所憎者有功必賞所愛者有罪必罰存養天下鰥寡孤獨賑贍禍亡之家其自奉也甚薄其賦役也甚寡故萬民富樂而無飢寒之色百姓戴其君如日月也尊親其君如父母文王曰大哉賢德之君也

文王國務三曰天下無怨一曰盡一曰一曰一曰

文王問太公曰願聞爲國之大務欲使主尊人安爲之柰何太公曰愛民而已文王曰愛民柰何太公曰利而勿害成而勿敗生而勿殺予而勿奪樂而勿苦喜而勿怒文王曰敢請釋其故太公曰民不失務則利之使民不失常生之務是利之也農不失時則成之薄賦斂則予之儉宮室臺榭則樂之吏清不苛擾則喜之民失其務則害之農失其時則敗之無罪而罰則殺之重賦斂則奪之多營宮室臺榭以疲民力則苦之吏濁苛擾則怒之故善爲國者馭民如父母之愛子如兄之

愛弟見其飢寒則為之憂見其勞苦則為之悲賞罰如加於身賦斂如取於已此愛民之道也

大禮四 君臣之大禮

文王問太公曰君臣之禮如何太公曰為上唯臨為上

之禮唯為下唯沈為下之禮臨而無遠無遠於民沈而無

隱無隱於君為上唯周德意周徧為下唯定分守安定周則天也定

則地也或天或地大禮乃成文王曰主位如何太公

曰安徐而靜柔節先定柔和節制而先之寧定善與而不爭虛

心平志待物以正文王曰主聽如何太公曰勿妄而

許勿逆而拒勿妄于聽信而許之勿逆其不可而拒之許之則失守拒之

則閉塞高山仰止不可及也深淵度之不可測也神

明之德正靜其極文王曰主明如何太公曰目貴明

耳貴聰心貴智以天下之目視則無不見也以天下

之耳聽則無不聞也以天下之心慮則無不知也輻

湊竝進則明不蔽矣

明傳五 文王欲明傳於武王者

文王寢疾召太公望太子發在側曰嗚呼天將棄予

周之社稷將以屬汝今予欲師至道之言以明傳之

子孫太公曰王何所問文王曰先聖之道其所起其所止可得聞乎太公曰見善而怠時至而疑知非而處此三者道之所止也自止而不進矣柔而靜有所守恭而敬非偽強而弱不過強忍而剛不過忍此四者道之所起也故義勝欲則昌欲勝義則亡敬勝怠則吉怠勝敬則滅

六守六

人君當守仁義忠信勇謀之六者

文王問太公曰君國主民者其所失之者何也太公曰不謹所與也人君有六守三寶文王曰六守何也

太公曰一曰仁二曰義三曰忠四曰信五曰勇六曰謀是謂六守文王曰謹擇六守者何太公曰富之而觀其無犯貴之而觀其無驕付之任重而觀其無轉志使之而觀其無隱情危之而觀其無恐事之試以而觀其無窮富之而不犯者仁也貴之而不驕者義也付之而不轉者忠也使之而不隱者信也危之而不恐者勇也事之而不窮者謀也人君無以三寶借人借人則君失其威文王曰敢問三寶太公曰大農大工大商謂之三寶農一其鄉則穀足工一其鄉則器

足商一其鄉則貨足三寶各安其處民乃不慮財用足而

無所無亂其鄉無亂其族臣無富於君都無大於國

六守長則君昌三寶全則國安

守土七

文王謂太公曰守土柰何太公曰無疏其親無怠其

衆撫其左右人之御其四旁士之無借人國柄借人國柄

則失其權無掘壑而附止人已有勢而又借國柄以

北已高而又附之也無舍本而治末國本在權柄若借人國柄

日中必彗暴操刀必割執斧必伐日中不彗是謂失

時操刀不割失利之期執斧不伐賊人將來涓涓不

塞將為江河熒熒不救炎炎若何兩葉不去將用斧

柯是故人君必從事於富不富無以為仁不施無以

合親疏其親則害失其衆則敗無借人利器借人利

器則為人所害而不終其世文王曰何謂仁義太公

曰敬其衆合其親敬其衆則和合其親則喜是謂仁

義之紀無使人奪汝威因其明順其常順者任之以

德逆者絕之以力敬之勿疑天下和服

守國八

文王問太公曰守國柰何太公曰齋將語君天地之
 經四時所生仁聖之道民機之情王齋七日北面再
 拜而問之太公曰天生四時地生萬物天下有民聖
 人牧之故春道生萬物榮夏道長萬物成秋道斂萬
 物盈冬道藏萬物靜盈則藏藏則復起莫知所終莫
 知所始聖人配之以為天地經紀故天下治仁聖藏
 天下亂仁聖昌至道皆然也此言仁聖出處之道聖人之在天
 地間也其寶所寶在民固大矣因其常而視之則民安夫
 民動而為機機動而得失爭矣故發之以其陰會之

以其陽為之先倡而天下和之極反其常莫進而爭
 莫退而遜聖人乃發之以陰而為兵刑會之以陽而為德澤聖人先倡于上而天下和行之倡
和之極則斯民反復于常道之中自然皆得而無失莫進而爭亦莫退而遜矣守國如此與
 天地同光

上賢九

文王問太公曰王人者何上何下何取何去何禁何
 止太公曰上賢下不肖取誠信去詐偽禁暴亂止奢
 侈故王人者有六賊七害文王曰願聞其道太公曰
 夫六賊者一曰臣有大作宮室池榭游觀倡樂者傷

王之德。二曰。民有不事農桑。任氣游俠。犯麻法禁。不從吏教者。傷王之化。三曰。臣有結朋黨。蔽賢智。障主明者。傷王之權。四曰。士有抗志高節。以爲氣勢。外交諸侯。不重其主者。傷王之威。五曰。臣有輕爵位。賤有司。羞爲上犯難者。傷功臣之勞。六曰。強宗侵奪。陵侮貧弱。傷庶人之業。七害者。一曰。無智畧。權謀而重賞。尊爵之。故強勇輕戰。僥倖於外。王者謹勿使爲將。二曰。有名無實。出入異言。掩善揚惡。進退爲巧。王者謹勿與謀。三曰。朴其身躬。惡其衣服。語無爲。以求名言。

無欲以求利。此僞人也。王者謹勿近。四曰。奇其冠帶。偉其衣服。博聞辯詞。虛論高議。以爲容美。窮居靜處。而誹時俗。此姦人也。王者謹勿寵。五曰。讒佞苟得以求官爵。果敢輕死。以貪祿秩。不圖大事。貪利而動。以高談虛論。說於人主。王者謹勿使。六曰。爲雕文刻鏤。技巧華飾。而傷農事。王者必禁。七曰。僞方異技。巫蠱左道。不祥之言。幻惑良民。王者必止之。故民不盡力。非吾民也。士不誠信。非吾士也。臣不忠諫。非吾臣也。吏不平潔愛人。非吾吏也。相不能富國強兵。調和陰

陽以安萬乘之主。正君臣，定名實，明賞罰，樂萬民，非吾相也。夫王者之道如龍首，高居而遠望，深視而審聽，示其形，隱其情。若天之高不可極也，若淵之深不可測也。故可怒而不怒，姦臣乃作；可殺而不殺，大賊乃發。兵勢不行，敵國乃強。文王曰：善哉！

文王問太公曰：君務舉賢而不能獲其功，世亂愈甚，以至危亡者，何也？太公曰：舉賢而不用，是有舉賢之名，而無用賢之實也。文王曰：其失安在？太公曰：其失

在君好用世俗之所譽，而不得其賢也。文王曰：何如？太公曰：君以世俗之所譽者為賢，以世俗之所毀者為不肖，則多黨者進，少黨者退。若是則羣邪比周而蔽賢，忠臣死於無罪，姦臣以虛譽取爵位。是以世亂愈甚，則國不免於危亡。文王曰：舉賢柰何？太公曰：將相分職，而各以官名舉人。按名督實，選才考能，令實當其名，名當其實，則得舉賢之道也。

賞罰十一

文王問太公曰：賞所以存勸，罰所以示懲。吾欲賞一

以勸百罰一以懲衆為之奈何太公曰凡用賞者貴信用罰者貴必賞信罰必於耳目之所見聞則所不見聞者莫不陰化矣夫誠暢於天地通於神明而況於人乎

兵道十二

武王問太公曰兵道何如太公曰凡兵之道莫過乎一心專一者能獨往獨來無敵黃帝曰一者階於道機於神用之在於機顯之在於勢成之在於君故聖王號兵為凶器不得已而用之今商王知存而不知亡

知樂而不知殃夫存者非存在於慮亡樂者非樂在於慮殃今王已慮其源曷憂其流乎武王曰兩軍相遇彼不可來此不可往各設固備未敢先發我欲襲之不得其利為之奈何太公曰外亂而內整示飢而實飽內精而外鈍一合一離一聚一散陰其謀密其機高其壘伏其銳士寂若無聲敵不知我所備欲其西襲其東武王曰敵知我情通我謀為之奈何太公曰兵勝之術密察敵人之機而速乘其利復疾擊其不意言兵之所以勝之術在乎我者宜密無使其知而通而吾又不可不知彼之機而速乘之也

不勝其憂... 曰凡欲之... 西... 曰... 必見其疏又見其親乃知其情

六韜卷二

武韜

發啟十三

發啟憂民之道

文王在鄴召太公曰嗚呼商王虐極罪殺不辜公尚助予憂民如何太公曰王其脩德以下賢惠民以觀天道天道無殃不可先倡人道無災不可先謀必見天殃又見人災乃可以謀必見其陽又見其陰乃知其心見其顯者隱者而必見其外又見其內乃知其意見其作外作內而必見其疏又見其親乃知其情

見其所疏所親而行其道道可致也從其門門可入

知其情之乖戾也立其禮禮可成也爭其強強可勝也全勝不鬪大

兵無剗與鬼神通微哉微哉與人同病相救同情相

成同惡相助同好相趨故無甲兵而勝無衝機而攻

無溝塹而守大智不智大謀不謀大勇不勇大利不

利利天下者天下啟之害天下者天下閉之以智謀勇利而

利天下者天下之人自以智謀勇利啟之若以智謀

勇利害天下者天下之人必閉之而不敵矣何也

天下者非一人之天下乃天下之天下也取天下者

若逐野獸而天下皆有分肉之心若同舟而濟濟則

皆同其利敗則皆同其害然則皆有以啟之無有以

閉之也無取於民者取民者也無取民者民利之無

取國者國利之無取天下者天下利之故道在不可

見事在不可聞勝在不可知微哉微哉鷺鳥將擊卑

飛斂翼猛獸將搏弭耳俯伏聖人將動必有愚色今

彼有商眾口相惑紛紛渺渺好色無極此亾國之證

也吾觀其野草菅勝穀吾觀其眾邪曲勝直吾觀其

吏暴虐殘疾敗法亂刑上下不覺此亾國之時也大

明發而萬物皆照大義發而萬物皆利大兵發而萬

物皆利

六韜卷二

物皆服大哉聖人之德獨聞獨見樂哉

文啟十四 以文治 啟文王

文王問太公曰聖人何守執太公曰何憂何嗇萬物

皆得何嗇何憂萬物皆適聖人無所憂慮各嗇而政

之所施莫知其化時之所在莫知其移聖人守此而

萬物化何窮之有終而復始優而游之展轉求之求

而得之不可不藏既以藏之不可不行既以行之勿

復明之不自表著夫天地不自明故能長生聖人不

自明故能名彰古之聖人聚人而為家聚家而為國

聚國而為天下分封賢人以為萬國命之曰大紀陳

其政教順其民俗羣曲化直變於形容萬國不通各

樂其所人愛其上命之曰大定嗚呼聖人務靜之賢

人務正之愚人不能正故與人爭上勞則刑煩刑煩

則民憂民憂則流亾上下不安其生累世不休命之

曰大失天下之人如流水障之則止啟之則行靜之

則清嗚呼神哉聖人見其始則知其終文王曰靜之

柰何太公曰天有常形民有常生與天下共其生而

天下靜矣太上因之其次化之夫民化而從政是以

天無為而成事民無與而自富此聖人之德也文王曰公言乃協予懷夙夜念之不忘以用為常其主而

文伐十五 以文事伐人之法

文王問太公曰文伐之法柰何太公曰凡文伐有十二節一曰因其所喜以順其志彼將生驕必有好事苟能因之必能去之驕其志而因謀去之二曰親其所愛以分其威一人兩心其中必衰廷無忠臣社稷必危三曰陰賂左右得情甚深身內情外國將生害四曰輔其淫樂以廣其志厚賂珠玉娛以美人卑辭委聽順命

而合彼將不爭姦節乃定五曰嚴其忠臣而薄其賂稽留其使勿聽其事亟為置代遺以誠事親而信之其君將復合之苟能嚴之國乃可謀六曰收其內閒其外才臣外相敵國內侵國鮮不亾七曰欲錮其心必厚賂之收其左右忠愛陰示以利令之輕業而蓄積空虛八曰賂以重寶因與之謀謀而利之利之必信是謂重輕重輕之積必為我用有國而外其地必敗九曰尊之以名無難其身示以大勢從之必信致其大尊先為之榮微飾聖人國乃大偷使自尊大十曰下

之必信以得其情承意應事如與同生既以得之乃
微收之時及將至若天喪之與之相信十一曰塞之以道
人臣無不重貴與富惡危與咎陰示大尊而微輸重
寶收其豪傑內積甚厚而外為乏陰內智士使圖其
計內勇士使高其氣富貴甚足而常有繁滋徒黨已
具是謂塞之有國而塞安能有國收彼豪傑內彼智
勇以益吾之黨
十二曰養其亂臣以迷之進美女淫聲以惑之遺良
犬馬以勞之時與大勢以誘之上察而與天下圖之
而節備乃成武事所謂止察天下察地微已見乃

伐之

順啟十六

順人心以啟
發天下之事

文王問太公曰何如而可以為天下太公曰大蓋天
下然後能容天下信蓋天下然後能約天下仁蓋天
下然後能懷天下恩蓋天下然後能保天下權蓋天
下然後能不失天下事而不疑則天運不能移時變
不能遷此六者備然後可以為天下政故利天下者
天下啟之害天下者天下閉之生天下者天下德之
殺天下者天下賊之徹天下者天下通之窮天下者

天下仇之。安天下者，天下恃之。危天下者，天下災之。天下者，非一人之天下，惟有道者處之。

武王所疑者三

武王問太公曰：予欲立功，有三疑，恐力不能攻。強離

親，散衆為之，柰何？太公曰：因之，慎謀，用財。因敵之強，而能慎我

之謀，用我之財。夫攻強必養之，使強益之，使張太強必折。太

張必缺，攻強以強，離親以親，散衆以衆。凡謀之道，周

密為寶，設之以事，玩之以利，爭心必起，欲離其親，因

其所愛，與其寵人，與之所欲，示之所利，因以疏之，無

使，得志，彼貪利甚喜，遺疑乃止。凡攻之道，必先塞其

明，而後攻其強，毀其大，除民之害，淫之以色，啗之以

利，養之以味，娛之以樂，既離其親，必使遠民，勿使知

謀，扶而納之，莫覺其意，然後可成。惠施於民，必無愛

財，民如牛馬，數餵食之，從而愛之。心以啟智，智以啟

財，財以啟衆，衆以啟賢，賢之有啟，以王天下。以吾心之智生

財，由是以財而致衆，以衆而致賢，以賢而致王矣。

命謀士五人主圖安危慮未萌論行能明賞罰受官
位決嫌疑定可否天文三人主司星歷候風氣推時
日攷符驗校災異知天心去就之機地利三人主軍
行止形勢利害消息遠近險易水涸山阻不失地利
兵法九人主講論異同行事成敗簡練兵器刺舉非
法通糧四人主度飲食備蓄積通糧道致五穀令三
軍不困乏奮威四人主擇才力論兵革風馳電掣不
知所由伏旗鼓三人主伏旗鼓明耳目詭符印謬號
令闇忽往來出入如神股肱四人主任重持難脩溝

塹治壁壘以備守禦通才二人主拾遺補過應對賓
客議論談語消患解結權士三人主行奇譎設殊異
非人所識行無窮之變耳目七人主往來聽言視變
覽四方之事軍中之情爪牙五人主揚威武激勵三
軍使冒難犯銳無所疑慮羽翼四人主揚名譽震遠
方動四境以弱敵心游士八人主伺姦候變開闔人
情觀敵之意以為間謀術士二人主為譎詐依託鬼
神以惑衆心方士三人主百藥以治金瘡以痊萬病
法算二人主會計三軍營壘糧食財用出入

其目一
十八等

論將十九

武王問太公曰。論將之道柰何。太公曰。將有五材。十過。武王曰。敢問其目。太公曰。所謂五材者。勇智仁信忠也。勇則不可犯。智則不可亂。仁則愛人。信則不可欺。忠則無二心。所謂十過者。有勇而輕。歿者。有急而心速者。有貪而好利者。有仁而不忍人者。有智而心怯者。有信而喜信人者。有廉潔而不愛人者。有智而心緩者。有剛毅而自用者。有懦而喜任人者。勇而輕歿者。可暴殺也。急而心速者。可久持也。貪而好利者。

可賂也。仁而不忍人者。可勞擾也。智而心怯者。可窘也。信而喜信人者。可誑也。廉潔而不愛人者。可侮也。智而心緩者。可襲也。剛毅而自用者。可事也。事煩懦之也而喜任人者。可欺也。故兵者。國之大事。存亡之道。命在於將。將者。國之輔。先王之所重也。故置將不可不察也。故曰。兵不兩勝。亦不兩敗。兵出踰境。期不十日。不有亡國。必有破軍。殺將。兩國不有一亡。則必有一破軍。殺將。此見將之關係最重。武王曰。善哉。

選將二十

武王問太公曰。王者舉兵。簡練英雄。知士之高下。爲之柰何。太公曰。夫士外貌不與中情相應者十五。有賢而不肖者。有溫良而爲盜者。有貌恭敬而心慢者。有外廉謹而內無恭敬者。有精精而無情者。外若詳細而中實無情有湛湛而無誠者。有好謀而無決者。有如果敢而不能者。有恹恹而不信者。有恍恍忽忽而反忠實者。有詭激而有功效者。有外勇而內怯者。有肅肅而反易人者。有嗃嗃而反靜慤者。外貌嚴厲而中反沈靜愿慤有勢虛形劣。而出外無所不至。無使不遂者。出外克稱任使天下

所賤。聖人所貴。凡人不知。非有大明。不能見其際。此士之外貌。不與中相應者也。武王曰。何以知之。太公曰。知之有八證。一曰。問之以言。以觀其詳。二曰。窮之以辭。以觀其變。三曰。與之間諜。以觀其誠。四曰。明白顯問。以觀其德。五曰。使之以財。以觀其廉。六曰。試之以色。以觀其貞。七曰。告之以難。以觀其勇。八曰。醉之以酒。以觀其態。八證皆備。則賢不肖別矣。

立將二十一

武王問太公曰。立將之道柰何。太公曰。凡國有難。君

避正殿召將而詔之曰社稷安危一在將軍今某國不臣願將軍帥師應之將既受命乃命太史卜齋三日之太廟鑽靈龜卜吉日以受斧鉞君入廟門西面而立將入廟門北面而立君親操斧持首授將其柄曰從此上至天者將軍制之復操鉞持柄授將其刃曰從此下至淵者將軍制之見其虛則進見其實則止勿以三軍為眾而輕敵勿以受命為重而必死勿以身貴而賤人勿以獨見而違眾勿以辯說而必然士未坐而勿坐士未食而勿食寒暑必同如此士眾

必盡死力將已受命拜而報君曰臣聞國不可從外治軍不可從中御二心不可以事君疑志不可以應敵臣既受命專斧鉞之威臣不敢生還願君亦垂一言之命於臣君不許臣臣不敢將君許之乃辭而行軍中之事不聞君命皆由將出臨敵決戰無有二心若此則無天於上無地於下無敵於前無君於後是故智者為之謀勇者為之鬪氣厲青雲疾若馳騫兵不接刃而敵降服戰勝於外功立於內吏遷上賞百姓懽悅將無咎殃是故風雨時節五穀豐登社稷安

寧武王曰善哉

將威二十二

武王問太公曰將何以爲威何以爲明何以爲禁止

而令行太公曰將以誅大爲威誅及於大則威以賞小爲明

賞及於小則明以罰審爲禁止而令行用罰詳審則三軍順從故殺一

人而三軍震者殺之賞一人而萬民悅者賞之殺貴

大賞貴小殺及當路貴重之人是刑上極也賞及牛

豎馬洗廢養之徒是賞下通也刑上極賞下通是將

威之所行也受命我而將吾國吾國不匹於他

勸軍二十三

武王問太公曰吾欲三軍之衆攻城爭先登野戰爭

先赴聞金聲而怒惡退聞鼓聲而喜樂進爲之柰何太公

曰將有三勝武王曰敢問其目太公曰將冬不服裘

夏不操扇雨不張蓋名曰禮將將不身服禮無以知

士卒之寒暑出隘塞犯塗泥將必先下步名曰力將

將不身服力無以知士卒之勞苦軍皆定次將乃就

舍炊者皆熟將方就食軍不舉火將亦不舉名曰止

欲將將不身服止欲無以知士卒之飢飽將與士卒

共寒暑勞苦飢飽故三軍之衆聞鼓聲則喜聞金聲則怒高城深池矢石繁下士爭先登白刃始合士爭先赴士非好死而樂傷也為其將知寒暑飢飽之審而見寒暑之明也

陰符二十四

人主陰為符節以通將意

武王問太公曰引兵深入諸侯之地三軍卒有緩急或利或害吾將以近通遠從中應外以給三軍之用為之柰何太公曰主與將有陰符凡八等有天勝克敵之符長一尺破軍擒將之符長九寸降城得邑之

符長八寸却敵報遠之符長七寸警衆堅守之符長六寸請糧益兵之符長五寸敗軍亡將之符長四寸失利亡士之符長三寸諸奉使行符稽留者若符事泄告者聞者皆誅之八符者主將祕聞所以陰通言語不泄中外相知之術敵雖聖智莫之能識武王曰善哉
陰書二十五 君將又有陰書以通陰符之所能盡
武王問太公曰引兵深入諸侯之地主將欲合兵行無窮之變圖不用之利其事煩多符不能明相去遼

遠言語不通為之柰何太公曰諸有陰事大慮當用
書不用符主以書遺將將以書問主書皆一合而再
離三發而一知再離者分書為三部三發而一知者
言三人人操一分相參而不使知情也以一書分作三部使三人
各操一分送與一人知之而三人雖操亦不知情也此謂陰書敵雖聖智莫之
能識武王曰善哉

大將軍勢二十六 軍行遲速之勢

武王問太公曰攻伐之道柰何太公曰勢因於敵家
之動變生於兩陳之間奇正發於無窮之源故至事

不語用兵不言且事之至者其言不足聽也兵之用
者其狀不定見也倏而往忽而來能獨專而不制者

兵也聞則議見則圖知則困辯則危聞敵之情則思

則思圖之知敵之情則思故善戰者不待張軍善除

患者理於未生勝敵者勝於無形上戰無與戰故爭

勝於白刃之前者非良將也設備於已失之後者非

上聖也智與眾同非國師也技與眾同非國工也事

莫大於必克用莫大於玄默動莫大於不意謀莫大

於不識夫先勝者先見弱於敵而後戰者也故士半

而功倍焉。聖人徵於天地之動，孰知其紀，循陰陽之道而從其候，當天地盈縮，因以為常，物有死生，因天地之形，故曰：未見形而戰，雖眾必敗；善戰者居之不撓，見勝則起，不勝則止，故曰：無恐懼，無猶豫，用兵之害，猶豫最大，三軍之災，莫過狐疑。善戰者見利不失，遇時不疑，失利後時，反受其殃。故智者從之而不失，巧者一決而不猶豫，是以疾雷不及掩耳，迅電不及瞑目，赴之若驚，用之若狂，當之者破，近之者亡，孰能禦之？夫將有所不言而守者，神也；有所不見而視者，

明也。故知神明之道者，野無橫敵，對無立國。武王曰：善哉。

奇兵二十七

武王問太公曰：凡用兵之法，大要何如？太公曰：古之善戰者，非能戰於天上，非能戰於地下，其成與敗，皆由神勢得之者昌，失之者亡。夫兩陳之間，出甲陳兵，縱卒亂行者，所以為變也。為變動不測之計深草蓊鬱者，所以遁逃也。處軍於此，為逃遁之備深谷險阻者，所以止車禦騎也。止禦敵人之車騎隘塞山林者，所以少擊眾也。借險阻之勢為助

坳澤窈冥者所以匿其形也。清明無隱者所以戰勇

力也。疾如流矢，擊如發機者，所以破精微也。疾戰以破敵謀

之精詭伏設奇，遠張誑誘者，所以破軍擒將也。四分

五裂者，所以擊圓破方也。擊破敵人方圓之勢因其驚駭者，所

以一擊十也。因其勞倦暮舍者，所以十擊百也。奇技

者，所以越深水，渡江河也。強弩長兵者，所以踰水戰

也。踰水而戰長關遠候，暴疾謬遁者，所以降城服邑也。鼓

行謹囂者，所以行奇謀也。大風甚雨者，所以搏前擒

後也。乘機以擊敵之前掩敵之後偽稱敵使者，所以絕糧道也。絕敵

糧道謬號令，以與敵同服者，所以備走北也。戰必以義

者，所以勵眾勝敵也。尊爵重賞者，所以勸用命也。嚴

刑重罰者，所以進罷怠也。一喜一怒，一予一奪，一文

一武，一徐一疾者，所以調和三軍，制一臣下也。處高

敞者，所以警守也。便眺望保險阻者，所以為固也。山林

茂穢者，所以默往來也。往來潛默深溝高壘，積糧多者，所

以持久也。故曰：不知戰攻之策，不可以語敵，不能分

移，不可以語奇，不通治亂，不可以語變。故曰：將不仁，

則三軍不親；將不勇，則三軍不銳；將不智，則三軍大

疑將不明則三軍大傾將不精微則三軍失其機將不常戒則三軍失其備將不強力則三軍失其職故將者人之司命三軍與之俱治與之俱亂得賢將者兵強國昌不得賢將者兵弱國亡武王曰善哉

五音二十八

兵家察五音以佐勝之理

武王問太公曰律音之聲可以知三軍之消息勝負之決乎太公曰深哉王之問也夫律管十二其要有五音宮商角徵羽此真正聲也萬代不易五行之神道之常也

宮屬於中方之土神商屬西方之金神角屬東方之木神徵屬南方之火神羽屬北

方之經水神此乃金木水火土各以其勝攻也

然金克木木克土土克水水克火火克金各以其勝者而攻不勝者也古者三皇之世虛無之情無為以制剛強無有文字皆由五行

法五行之相克者以制剛而治

五行之道天地自然六甲之分微妙之神

五行皆然之道與六甲各有分屬甲乙屬木丙丁屬火戊己屬土庚辛屬金壬癸屬水是也且其神又極微妙如下

水神曰青龍火神曰朱雀土神曰勾陳金神曰白虎水神曰元武是也其法以天清淨無陰雲風雨夜半遣輕騎往至敵人之壘去九百步

外徧持律管當耳大呼驚之有聲應管其來甚微角

聲應管當以白虎徵聲應管當以玄武商聲應管當

以朱雀羽聲應管當以勾陳五管聲盡不應者宮也

當以青龍其聲應乎角音之管是敵陣木神用事矣

虎屬金以金能克木也餘倣此此五行之符佐勝之徵成敗之機武

王曰善哉太公曰微妙之音皆在外候言五音微妙又有候於外

而得之顯武王曰何以知之太公曰敵人驚動則聽

之聽其聲聞枹鼓之音者角也角屬木枹鼓以木為之

知為角聲之應見火光者徵也徵屬火故見敵人火聞金鐵

矛戟之音者商也商屬金而金鐵矛戟皆金也為商聲之應聞人嘯呼之

音者羽也嘯呼屬口口屬水羽亦屬水水聲清亮嘯呼之聲似之故為羽聲之應寂寞

無聲者宮也宮屬土土性靜而無聲故為宮聲之應此五音者聲色之

符也兵徵二十九之徵兆

武王問太公曰吾欲未戰先知敵人之強弱豫見勝

負之徵為之奈何太公曰勝負之徵精神先見明將

察之其效在人謹候敵人出入進退察其動靜言語

妖祥士卒所告凡三軍悅懌士卒畏法敬其將命相

喜以破敵相陳以勇猛相賢以威武此強徵也三軍

數驚士卒不齊相恐以強敵相語以不利耳目相屬

六韜卷三

妖言不止。眾口相惑。不畏法令。不重其將。此弱徵也。
三軍齊整。陳勢以固。深溝高壘。又有大風甚雨之利。
三軍無故。旌旗前指。金鐸之聲揚。以清。鼙鼓之聲宛。
以鳴。此得神明之助。大勝之徵也。行陳不固。旌旗亂。
而相遶。逆大風甚雨之利。士卒恐懼。氣絕而不屬。戎。
馬驚奔。兵車折軸。金鐸之聲下以濁。鼙鼓之聲溫。以。
沐。此大敗之徵也。凡攻城圍邑。城之氣色如灰。城。
可屠。城之氣出而北。城可克。城之氣出而西。城可降。
城之氣出而南。城不可拔。城之氣出而東。城不可攻。

城之氣出而復入。城主逃北。城之氣出而覆我軍之

上軍必病。城之氣出高而無所止。用兵長久。此勝負之徵見

於地也凡攻城圍邑。過旬不雷不雨。必亟去之。城必有

大輔。此所以知可攻而攻。不可攻而止。此勝負之徵見於天也

武王曰善哉

具農器三十。以農器喻即兵器

武王問太公曰。天下安定。國家無爭。戰攻之具。可無

修乎。守禦之備。可無設乎。太公曰。戰攻守禦之具。盡

在於人事。言攻守之器具盡於農人之事。相為符合。耒耜者。其行馬蒺藜

也。馬牛車輿者，其營壘蔽櫓也。鋤耰之具，其矛戟也。蓑薛笠笠者，其甲冑干櫓也。鑿鍤斧鋸杵臼，其攻城器也。牛馬，所以轉輸糧也。雞犬，其伺候也。婦人織紵，其旌旗也。丈夫平壤，其攻城也。春鋤草棘，其戰車騎也。夏耨田疇，其戰小兵也。秋刈禾薪，其糧食儲備也。冬實倉廩，其堅守也。田里相伍，其約束符信也。里有吏官，有長，其將帥也。里有周垣，不得相過，其隊分也。輸粟取芻，其廩庫也。春秋治城郭，修溝渠，其塹壘也。故用兵之具，盡於人事也。善為國者，取於人事，故必

使遂其六畜，闢其田野，究其處所。不使雜居丈夫治田有畝數，婦人織紵有尺度。每日限其尺寸之度是富國強兵之道也。武王曰：善哉。

翼大櫓矛戟扶胥

車上之蔽

七十二具材士強弩矛戟為

翼以五尺車輪絞車連弩自副陷堅陳敗強敵提翼

小櫓扶胥

亦車上之蔽

一百四十六具絞車連弩自副以

鹿車輪陷堅陳敗強敵大黃參連弩大扶胥三十六

乘材士強弩矛戟為翼飛鳧電影自副飛鳧赤莖白

羽以銅為首電影青莖赤羽以鐵為首晝則以絳縞

長六尺廣六寸為光耀夜則以白縞長六尺廣六寸

為流星陷堅陳敗步騎大扶胥衝車

從旁衝擊者也

三十六

乘螳螂

蟲名有奮擊之勢故取之

武士共載可以擊縱橫可以敗

強敵輜車騎寇一名電車兵法謂之電擊陷堅陳敗

步騎寇夜來前矛戟扶胥輕車一百六十乘螳螂武

士三人共載兵法謂之霆擊陷堅陳敗步騎

此上俱論車此

下俱論器

方首鐵楮維盼重十二斤柄長五尺以上千二

百枚一名天楮大柯斧刃長八寸重八斤柄長五尺

以上千二百枚一名天鉞方首鐵鎚重八斤柄長五

尺以上千二百枚一名天槌敗步騎羣寇飛鈎長八

寸鈎芒長四寸柄長六尺以上千二百枚以投其眾

三軍拒守水螳螂劔刃扶胥廣二丈一百二十具一

名行馬平易地以步兵敗車騎木蒺藜去地二尺五寸百二十具敗步騎要窮寇遮走北軸旋短衝矛戟扶胥百二十具黃帝所以敗蚩尤氏敗步騎要窮寇遮走北狹路微徑張鐵蒺藜芒高四寸廣八尺長六尺以上千二百具敗走騎突暝來前促戰白刃接張地羅鋪兩鏃蒺藜參連織女芒間相去二尺萬二千具曠野草中方胸鋌矛千二百具張鋌矛法高一尺五寸敗步騎要窮寇遮走北狹路微徑地陷鐵械鎖參連百二十具敗步騎要窮寇遮走北壘門拒守矛

戟小櫓十二具絞車連弩自副三軍拒守天羅虎落鎖連一部廣一丈五尺高八尺百二十具虎落劔刃扶胥廣一丈五尺高八尺五百一十具渡溝塹飛橋一間廣一丈五尺長二丈以上著轉關轆轤八具欲其通以環利通索張之欲其圍也渡大水飛江廣一丈五尺長二丈以上八具以環利通索張之天浮鐵螳螂矩內圓外徑四尺以上環絡自副三十二具以天浮張飛江濟大海謂之天潢一名天船此言飛江及天浮鐵螳螂之用以濟山林野居結虎落柴營環利鐵鎖長二丈以上千

二百枚環利大通索大四寸長四丈以上六百枚環利中通索大二寸長四丈以上三百枚環利小徽纆長二丈以上萬二千枚天雨蓋重車上板結泉鉏鋸廣四尺長四丈以上車一具以鐵杙張之伐木天斧重八斤柄長三尺以上三百枚檠鏹刃廣六寸柄長五尺以上三百枚銅築固爲垂長五尺以上三百枚鷹爪方胸鐵杷柄長七尺以上三百枚方胸鐵叉柄長七尺以上三百枚方胸兩枝鐵叉柄長七尺以上三百枚芟草木大鎌柄長七尺以上三百枚大櫓刃

重八斤柄長六尺三百枚委環鐵杙長三尺以上三百枚椽杙大鎚重五斤柄長二尺以上百二十具甲士萬人強弩六千戟櫓二千矛楯二千修治攻具砥礪兵器爲巧手三百人此舉兵用之大數也武王曰允哉

三陳三十二天地人

武王問太公曰凡用兵爲天陳地陳人陳奈何太公曰日月星辰斗柄一左一右一向一背此爲天陳兵家取此丘陵水泉亦有前後左右之利此謂地陳兵家取此

利利用車用馬。用文用武。此謂人陳。武王曰：善哉。

疾戰三十三受圍疾戰之法

武王問太公曰：敵人圍我，斷我前後，絕我糧道，爲之奈何？太公曰：此天下之困兵也。暴用之則勝，徐用之則敗。如此者，爲四武衝陳。以武車驍騎驚亂其軍，而疾擊之，可以橫行。武王曰：若已出圍地，欲因以爲勝，爲之奈何？太公曰：左軍疾左，右軍疾右，無與敵人爭道。中軍迭前迭後，以武車驍騎亂其軍，而與敵人攻其陳矣。敵人雖衆，其將可走。

必出三十四受圍必出之法

武王問太公曰：引兵深入諸侯之地，敵人四合而圍我，斷我歸道，絕我糧食，敵人旣衆，糧食甚多，險阻又固，我欲必出，爲之奈何？太公曰：必出之道，器械爲寶，勇鬪爲首。審知敵人空虛之地，無人之處，可以必出。將士持玄旗，操器械，設銜枚，夜出，勇力飛走，冒將之士居前，平壘爲軍開道，材士強弩爲伏兵，居後，弱卒車騎居中，陳畢徐行，慎無驚駭。以武衝扶胥前後拒守，武翼大櫓以蔽左右，敵人若驚，勇力冒將之士疾

擊而前。弱卒車騎以屬其後。材士強弩隱伏而處。審候敵人追我。伏兵疾擊其後。多其火鼓。若從地出。若從天下。三軍勇鬪。莫我能禦。武王曰。前有大水廣塹。深坑。我欲踰渡。無舟楫之備。敵人屯壘。限我軍前。塞我歸道。斥堠常戒。險塞盡守。車騎要我前。勇士擊我後。爲之柰何。太公曰。大水廣塹深坑。敵人所不守。或能守之。其卒必寡。若此者。以飛江轉關。與天潢以濟我軍。勇力材士。從我所指。衝敵絕陳。皆致其死。先燔吾輜重。燒吾糧食。明告吏士。勇鬪則生。不勇則死。已

出。令我踵軍。

後軍

設雲火遠候。必依草木丘墓險阻。敵

人車騎。必不敢遠追。長驅因以火爲記。先出者令至。火而止。爲四武衝陳。如此則吾三軍皆精銳勇鬪。莫我能止。武王曰。善哉。

軍略三十五

武王問太公曰。引兵深入諸侯之地。遇深谿大谷險阻之水。吾三軍未得畢濟。而天暴雨。流水大至。後不得屬於前。無有舟梁之備。又無水草之資。吾欲畢濟。使三軍不稽留。爲之柰何。太公曰。凡帥師將軍。慮不

先設器械不備。教不精信。士卒不習。若此不可以爲王者之兵也。凡三軍有大事。莫不習用器械。若攻城圍邑。則有輜輜臨衝。視城中。則有雲梯飛樓。三軍行止。則有武衝大櫓。前後拒守。絕道遮街。則有材士強弩。衛其兩旁。設營壘。則有天羅武落。行馬蒺藜。晝則登雲梯。遠望立五色旌旗。夜則設火雲萬炬。擊雷鼓。振輦鐸。吹鳴笳。越溝塹。則有飛橋轉關。轆轤鉏鋸。濟大水。則有天潢飛江。逆波上流。則有浮海絕江。三軍用備。主將何憂。

將臨境三十六

與敵臨境相拒之法

武王問太公曰。吾與敵人臨境相拒。彼可以來。我以往。陳皆堅固。莫敢先舉。我欲往而襲之。彼亦可以來。爲之奈何。太公曰。兵分三處。令我前軍深溝增壘。而無出列旌旗。擊輦鼓。完爲守備。令我後軍多積糧食。無使敵人知我意。發我銳士。潛襲其中。擊其不意。攻其無備。敵人不知我情。則止而不來矣。武王曰。敵人知我之情。通我之機。動則得我事。其銳士伏於深草。要我隘路。擊我便處。爲之奈何。太公曰。令我前軍

日出挑戰以勞其意令我老弱曳柴揚塵鼓呼而往來或出其左或出其右去敵無過百步其將必勞其卒必駭如此則敵人不_レ敢來吾往者不止或襲其內或擊其外三軍疾戰敵人必敗

動靜三十七

武王問太公曰引兵深入諸侯之地與敵之軍相當兩陳相望衆寡強弱相等未敢先舉吾欲令敵人將帥恐懼士卒心傷行陳不固後陳欲走前陳數顧鼓譟而乘之敵人遂走爲之奈何太公曰如此者發我

兵去寇十里而伏其兩旁車騎百里而越其前後多其旌旗益其金鼓戰合鼓譟而俱起敵將必恐其軍驚駭衆寡不相救貴賤不相待敵人必敗武王曰敵之地勢不可以伏其兩旁車騎又無以越其前後敵知我慮先施其備我士卒心傷將帥恐懼戰則不勝爲之奈何太公曰誠哉王之間也如此者先戰五日發我遠候往視其動靜審候其來設伏而待之必於死地與敵相避遠我旌旗疏我行陳必奔其前與敵相當戰合而走擊金而止三里而還伏兵乃起或陷

其兩旁或擊其前後三軍疾戰敵人必走武王曰善哉

金鼓三十八

武王問太公曰引兵深入諸侯之地與敵相當而天大寒甚暑日夜霖雨旬日不止溝壘悉壞隘塞不守斥候懈怠士卒不戒敵人夜來三軍無備上下惑亂為之柰何太公曰凡三軍以戒為固以怠為敗令我壘上誰何典誰何之人也不絕人執旌旗外內相望以號相命勿令乏音而皆外向三千人為一屯誠而約之各

慎其處敵人若來視我軍之警戒至而必還力盡氣怠發我銳士隨而擊之武王曰敵人知我隨之而伏其銳士佯北不止遇伏敵伏而還或擊我前或擊我後或薄我壘吾三軍大恐擾亂失次離其處所為之柰何太公曰分為三隊隨而進之勿越其伏三隊俱至或擊其前後或陷其兩旁明號審令疾擊而前敵人必敗

絕道三十九

敵人絕我糧道而禦之之策

武王問太公曰引兵深入諸侯之地與敵相守敵人

絕我糧道。又越我前後。吾欲戰則不可勝。欲守則不可久。爲之柰何。太公曰。凡深入敵人之境。必察地之形勢。務求便利。依山林險阻。水泉林木。而爲之固。謹守關梁。又知城邑。止墓地。形之利。如是則我軍堅固。敵人不能絕我糧道。又不能越我前後。武王曰。吾三軍過大林廣澤平易之地。吾候望誤失。卒與敵人相薄。以戰則不勝。以守則不固。敵人翼我兩旁。越我前後。三軍大恐。爲之柰何。太公曰。凡帥師之法。當先發遠候。去敵二百里。審知敵人所在地勢。不利則以武

衝爲壘而前。又置兩踵軍於後。遠者百里。近者五十里。卽有警急。前後相知。吾三軍常完堅。必無毀傷。武王曰。善哉。

略地四十六

武王問太公曰。戰勝深入。略其地。有大城不可下。其別軍守險。與我相拒。我欲攻城圍邑。恐其別軍卒至而薄我。中外相合。擊我表裏。三軍大亂。上下恐駭。爲之柰何。太公曰。凡攻城圍邑。車騎必遠屯。衛警戒阻。其內外。中人絕糧。外不得輸。城人恐怖。其將必降。武

王曰中人絕糧外不得輸陰爲約誓相與密謀夜出窮寇死戰其車騎銳士或衝我內或擊我外士卒迷惑三軍敗亂爲之奈何太公曰如此者當分軍爲三軍謹視地形而處審知敵人別軍所在及其大城別堡爲之置遺缺之道以利其心謹備勿失敵人恐懼不入山林卽歸大邑走其別軍車騎遠要其前勿令遺脫中人以爲先出者得其徑道其練卒材士必出其老弱獨在車騎深入長驅敵人之軍必莫敢出慎勿與戰絕其糧道圍而守之必久其日無燔人積聚

無毀人宮室冢樹社叢勿伐降者勿殺得而勿戮示

之以仁義施之以厚德令其士民曰辜在一人如此

則天下和服預先分軍三處其大城置一空缺使得

軍以一軍入城於其老弱獨在者撫之而勿殺武王曰善哉

火戰四十一 此言用火攻戰之法

武王問太公曰引兵深入諸侯之地遇深草蓊穢周吾軍前後左右三軍行數百里人馬疲倦休止敵人因天燥疾風之利燔吾上風車騎銳士堅伏吾後吾三軍恐怖散亂而走爲之奈何太公曰若此者則以

雲梯飛樓。遠望左右。謹察前後。見火起。卽燔吾前而
廣延之。又燔吾後。敵人苟至。卽引軍而卻。按黑地而
堅處。敵人之來。猶在吾後。見火起。必遠走。吾按黑地
而處。強弩材士。衛吾左右。又燔吾前後。若此。則敵人
不能害我。武王曰。敵人燔吾左右。又燔吾前後。煙覆
吾軍。其大兵。按黑地而起。爲之柰何。太公曰。若此者。
爲四武衝陳。強弩翼吾左右。其法無勝。亦無負。

虛壘四十二

敵人以虛壘疑我而我應之之法

武王問太公曰。何以知敵壘之虛實。自來自去。太公

曰。將必上知天道。下知地理。中知人事。登高下望。以
觀敵人之變動。望其壘。則知其虛實。望其士卒。則知
其去來。武王曰。何以知之。太公曰。聽其鼓。無音。鐸無
聲。望其壘上。多飛鳥。而不驚。上無氛氣。必知敵詐而
爲偶人也。敵人卒去不遠。未定而復反者。彼用其士
卒太疾也。太疾則前後不相次。不相次則行陳必亂。
如此者。急出兵擊之。以少擊衆。則必敗矣。

